

*Te paulò melior genius generosior atq;
Mens agit, è paucis chare Cramere meis.
Non placuit latitare tibi, sed honore superbum
Exeruisse caput cura laborq; fuit,
Nec potuit Fati violentia vela retrorsum
Vertere, nec remoras recedere pauperies.
Sed victor subigis quicquid grave, quicquid acerbum
Oggestit cœptis fors inimica tuis.
Ergo brabèa tuis auferis conatibus æqua,
Clara Magisterij nomina victor habes.
Hoc est quod leto tibi jam congratulor ore,
Atq; simul votis Numina posco meis,
Ut faveant porro cœptis atq; orsa secudent
Fugiter, hæc voti summa caputq; mei est.
Competitori suo honoris ergo
depreperab.*

M. Andreas Ferber Cygn.
Ser. El. Sax. Alumnus.

Versibus alludant alij ad cognominis omen,
Quod geris, est sanctum nomen, & omen habet,
Nempè *DEI Donum* nomen sonat, omen habebis,
Si modò *Te* incolumem protegat usq; *DEUS*.
Omen habes, siquidem pius es, titulumq; Magistri,
Atq; viri docti nomen, *Amice*, geris,
Nomen, *Amice*, geris docti, testantur ut omnes,
Testantur satis ut *Leucoreæq; Scholæ*.
Queis modò doctrinam, vitam, moresq; probasti.
Hinc *Tu* pro meritis digna brabèa capis.
Quod superest, *Fautor*, voto *Tibi* pectoris imo
Gratulor, optatum *Te* tetigisse scopum.

B

Ipsc